




VALG

Stuorradigge-  
ja sámediggeválggat 2021

# Dehálaš diehtu dutnje gii áiggut jienastit

*Válgabeaivi lea čakčamánu 13.b.  
Muitte ID!*



# Stuorradigge- ja sámediggeválggat 2021

Juohke njealját jagi válljet mii geat galget ovddastit min Stuorradikkis. Stuorradikki deháleamos barggut leat mearridit lágaid, stáhta bušeahta ja dárkkistit ráđđehusa.

Sámediggi lea sámi álbmotválljen parlameanta Norggas ja iehčanas álbmotválljen orgána. Loga eanet sámediggeválggaid birra siidduin sametinget.no.

Dán gihppagis leat dieđut válggaid birra ja mo don jienastat.

## **Válgabeaivi lea vuossárgga čakčamánu 13.b. 2021.**

Olu gielddain sáhtát maiddá ijenastit sotnabeaivi čakčamánu 12.b. Sáhtát maiddá ovdagihit ijenastit vaikko gos riikkas borgemánu 10.b. rájes gitta čakčamánu 10.b. rádjai. **Muitte legitimašuvnna!**



## **Muitte legitimašuvnna go áiggut jienastit**

Don fertet čájehit legitimašuvnna go áiggut jienastit. Legitimašuvdna sáhtá ovdamearkka dihtii leat pássa, vuodjinkoarta dahje bánjokoarta mas lea govva, muhto sáhtát maiddá geavahit earálágan legitimašuvnna. Legitimašuvnnaš ankkere fertet leat namma, riegádanbeaivi ja govva.

Jus orut ásahusas nugo buhccidruovttus, buohcciviesus dahje giddagasas, de sáhtát oažžut ásahusa bargi duodašit iežat identitehta. Bargi fertet dalle legitimeret iežas.

## **Čuovo njoammudávddaid eastadannjuolggadusaid ja rávvagiid**

Lea dehálaš ahte don čuovut njoammudávddaid eastadannjuolggadusaid ja rávvagiid doppe gos don ásat.

Muitte doallat gaskka ja buori giehtahygiena go áiggut jienastit, ale ge mana válgalatnjii jus leat buozas.

Maiddá ijenasteaddjit geat leat buohcasat, sirremis dahje erremis, galget beassat jienastit. Válde oktavuoda iežat gielddain oažžut eanet dieđuid.



### **Dán jagi oaččut digitála válgakoartta**

Válgakoarta duodašta du jienastanrievtti. Das čuožžu maddái gos ja goas don sáhtát jienastit válgabeaivvi.

Válgakoarta sáddejuvvo du digitála poastakássii dahje Altinnii. Jus don leat várašan digitála gulahallama almmolaš ásausaiguin, dahje it leat geavahan ID-portena 18 mánnui, de oaččut válgakortta bábirhámis poastan.

### **Don it dárbbáš válgakoartta jienastit, muhto dat seastá du áiggi.**

Válgakoarta ii gusto legitimašuvdnan.



#### **Gii sáhtát jienastit?**

Dus lea jienastanriekti stuorradiggeválggain jus don:

- leat norgga stáhtaborgár
- leat deavdán 18 jagi ovdal 2021 nohká
- leat, dahje leat leamaš, álbmotregistrerejuvvo Norgga ássin

Buohkat, geain lea jienastanriekti, leat jienastuslogus. Válde oktavuoda iežat gielddain jus leat eahpesihkar leat go jienastuslogus.



### **Goas ja gos sáhtát jienastit?**

**Ovdagihitii jienastit** sáhtát maŋnebárgga borgemánu 10.b. rájes gitta čakčamánu 10.b. rádjai vaikko guđe gielddas.

**Válgabeaivvi** fertet jienastit dan gielddas gos leat álbmotregistrerejuvvo geassemánu 30.b. 2021. Sáhtát jienastit vaikko guđe válgalanjas gielddas.

Jus don leat **erremis**, de it galgga jienastit dábálaš válgalanjain. Jus leat **sirremis**, de galggat jienastit ruovttus. Váldde oktavuoda gielddain oažžut dieđuid mo galgá gielddas gos son orut.

Leat go buohcci dahje bargonávccaheapme? Dalle sáhtát jearrat iežat gielddas gitta dii. 10 rádjai čakčamánu 10.b. sáhtát go **ovdagihtii jienastit ruovttus**.

It go sáhte jienastit ovdagihtii jienastanáigodagas dahje válgabeaivvi? Dalle sáhtát bivdit iežat gielddas beassat **árratjienastit** suoidnemánu 1.b. rájes.

Lea maiddái vejolaš **jienastit olgoriikkas** suoidnemánu 1.b. rájes gitta čakčamánu 3.b. rádjai.



## Ná jienastat

**Jus jienastat eará gielddas go iežat gielddas**, de oaččut jienastanlihpu mas leat registrerejuvvon politihkalaš bellodagaid namat. Don fertet russet man bellodaga áiggut jienastit. Jienastanlihpus eai leat bellodagaid evttohasaid namat. Don it sáhte danne rievdadit dáid jienastanlihpuid.

Jus jienastanlihpus ii leat bellodat dahje joavku man don háliidat jienastit, de sáhtát čállit dán bellodaga/joavkku nama jienastanlihppui. Sáhtát maiddái háhkat jienastanlihpu iežat válgaguovllus ja geavahit dan jus háliidat rievdadit jienastanlihpu.

Jienasteapmi sáddejuvvo du ruovttugildii lohkamii.




Oza iežat válgalanja siidduin **valglokaler.no**


## Ná jienastat iežat ruovttugielddas



Váldde dan jienastanlihu maid áiggut geavahit.




Rievdat jienastanlihu jus dan háliideaččat (geahča čilgehusa boahte siiddus).



Máhcas jienastanlihu nu, ahte bellodat-namma šaddá sisa ja steampalastinsadji olggobeallái – dalle ii oainne oktage maid jienastat. Jienastanlihu it galgga bidjat konfaluhttii, it ge eará olgoža sisa.



Mana válgabargi lusa ja čájjet legitimašuvnna vai oaččut steampala jienastanlihu olggobeallái. Jienastanlihus galgá leat steampal jus galggaš dohkkehuvvot!



Bija steampalastojuvvon jienastanlihu jienastanlihttái.


## Rievdadusat jienastanlihpus

Sáhtát rievdadit jienastanlihpu. Jienastanlihpu rievdadeapmi ii váikkut dasa man olu du jietna lohkkko. Čilgehus mo rievdadit dan, čuožžu maiddái jienastanlihpus.



### Rievdat evttohasaid vuoru

Bija (odđa) nummara ruktái mii lea evttohasa(id) nama gurut bealde nu, ahte don ná čájehat mo du mielas galggašedje evttohasaid vuorru.



### Sihkkut evttohasaid

Russe ruktái evttohasa(id) nama olgeš bealde jus áiggut sihkkut dan/daid.

## Veahkki jienastit jienastanlanjjas

Váldde oktavuoda válgabargiin jus dus ležžet gažaldagat dahje dárbbášat veahki jienastit. Válgabargiin lea jávohisvuodageasku.

Lea go dus psyhkalaš dahje fysalaš doaimmahehttehus mii dahká ahte it sáhte jienastit okto? Dalle lea dus riekti oažžut veahki válgabargis dahje eará olbmos gean don ieš mearridat galgá veahkehit.

## Geat välljeuvvojit?

Stuorradiggeválggain välljeuvvojit 169 áirasa Stuorradiggái 19 válgaguovllus. 150 áirasa välljeuvvojit njuolga válgaguovlluin. Dasa lassin välljeuvvojit 19 dássenmandáhta, okta juohke válgaguovllus.

Eanet dieđut leat siidduin **valg.no**



Válgadirektoráhtta almmuhan 2021:s.  
Publikašuvdna gávdno maiddáí girjegillii, ođđadárogillii ja logi vierisgillii.

Eanet dieđut válggaid birra leat siidduin **valg.no**